

SCRIPT OF EVENING GOJRI NEWS BULLETIN 28JULY 1700 HRS

ایویننگ گو جری نیوز بلیٹن مو رخہ 28 جولائی 2025

یوہ آکا شوانی جموں ہے ظفرکوہلی تے نصرت چوہدری تیں خبر سُنو۔

HEADLINES

- ۱۔ لوک سبھا مانہہ آپریشن سندور ور بحث گو آغاز ہوو تے راجیہ سبھا حزب اختلاف غا ہنگامہ غی وجہ تیں دن بھر واسطے ملتوی رئی۔
- ۲۔ سرینگر مانہہ حفاظتی دستاں تے دہشت گرد ہشکار جھڑپ مانہہ 3 دہشت گرد ہلاک ہوا ہیں۔
- ۳۔ لیفٹیننٹ گورنر منوج سنہا نے شہید ایڈیشنل ضلع ترقیاتی کمشنر راجوری ڈاکٹر راج کمار تھاپا غی بیٹی نانہہ نوکری غی یقین دہانی غو خط سونپیو ہے۔
- ۴۔ شمالی کمان غا آرمی کمانڈر لیفٹیننٹ جنرل پرتیک شرما نے چنار کور غو دورو کی و تے شمالی کشمیر مانہہ آپریشن بارے تیاریاں غو جائیزو لیو۔
- ۵۔ امرناتھ یاترا نے 25 دنان مانہہ 3.77 لکھ یاتریاں گو بندوسو پار کیو ہے تے چھڑی پوجن پلکیں ناگ پنچھمی غے تہاڑے ور شری اماریشور مندر مانہہ کیو جے غو۔

LS OPERATION SINDOOR

لوک سبھا غے اندر پہلگام مانہہ دہشت گردانہ حملہ غا جواب مانہہ بھارت غا مضبوط کامیاب تے فیصلہ کُن آپریشن سندور ور خصوصی بحث کی ہے ایوان مانہہ بحث گو آغاز کرتا و وزیر دفاع راج ناتھ سنگھ نے کہیو ہے جے آپریشن سندھور محض ایک فوجی کارروائی نہیں ہے بلکہ بھارت غی خود مختاری اس غی شناخت تے شہریاں غے تئیں حکومت غی ذمہ داری تے دہشتگردی غے خلاف اس غی پالیسی غو ایک موثر تے فیصلہ کُن مظاہرہ تھو جناب راج ناتھ سنگھ نے کہیو جموں کشمیر مانہہ پہلگام دہشت گردانہ حملہ غے بعد شروع کیا گیا آپریشن سندھور ایک اچھی طرح نال مربوط ہڑتال تھی جھڑی ملک غی مسلح افواج غے زریعے کی گئی تھی جس مانہہ 9 دہشت گردان گاہ بنیادی ڈھانچہ نانہہ درستگی غے سنگ نشانہ بنایو گیو تھو اس دوران بکھ بکھ مسائل ور حزب اختلاف غی ہنگامہ آرائی غیبعد راجیہ سبھا غ کارروائی پورا دن واسطے ملتوی کردتی گئی اس تیں پہلاں جد ایوان بالا گو اجلاس دوجے التوا غیبعد دوپہر 2 بجے ہوو تے پرنائڈنگ آفیس بپ نیشور کلیتا نے کیریج آف گزس بائی سی بل 2025 نانہہ غور کرن تے منظوری واسطے چان غی کوشش کی لیکن حزب اختلاف نے اپنو احتجاج جاری رکھیو جس غی وجہ توں ایوان غی کارروائی پورا دن واسطے ملتوی کردتی گئی۔

ENCOUNTER

حُکام غے مطابق اج حفاظتی دستاں تے دہشت گردان غے ہشکار ڈاچیگام سرینگر غے قریب ہرون غا جنگلات مانہہ شدید جھڑپ ہوئی جس مانہہ کم از کم ترے نہ معلوم دہشت گرد ماریا گیا سرینگر مانہہ قائم فوج غی چنار کور نے ایکس ور پوسٹ کرتا وں کہیو کہ ترے دہشت گردان نانہہ جھڑپ غے دوران ہلاک کردتو گیو ہے تے آپریشن اجیں جاری ہے ماریا گیا دہشت گردان غی شناخت تے اُن غا گروہ غو پتو لایو جارہیو ہے یوہ آپریشن پہلگام دہشت گرد حملہ تیں بعد شروع کیو گیو تھو جس مانہہ 26 افراد ہلاک ہوا تھا گزشتہ

1 مہینہ تین ملن آلی خفیہ اطلاع غے مطابق دہشت گرد ممکنہ طور ور ڈاچیگام علاقہ در بڑھ گیا ہیں جہڑو کہ سرینگر غا مرکز تیں تقریباً 20 کلو میٹر دور ہے۔

COMPASSIONATE APPOINTMENT

لیفٹیننٹ گورنر منوج سنہا نے اج ضلع ترقیاتی کمشنر راجوری ڈاکٹر راج کمار تھپا غی بیٹی سنگ ملاقات کی قابل ذکر ہے جے ڈاکٹر تھپا جہڑا راجوری مانہہ بلا اشتعال پاکستانی گولہ باری غے دوران شہید ہو گیا تھا میٹنگ غے دوران ایل جی سنہا نے شہید افسر راج کمار تھپا غی بیٹی نانہہ یقین دہانی غو خط حوالے کیو جس مانہہ کہیو گیو ہے کہ وہ اپنی تعلیم مکمل کرن تیں بعد اسٹینٹ قانون افسر غا طور ور تعینات وے گی ایل جی موصوف نے راج کمار تھپا غا خاندان سنگ ہمدردی ظاہر کرتا واں کہیو جے انہاں نانہہ سرکار غی طرفوں ہر ممکن مدد فراہم کی جے گی۔

DRUG CONTROL

ضلع رام بن غا نشہ غی روک تھام بارے محکمہ نے حال ہی مانہہ بٹوت غا علاقہ مانہہ دوائیاں آلی دکاناں گو معاینو کی و تانجے سوابط غی تعمیل نانہہ یقینی بنایو جاسکے جس مانہہ سی سی ٹی وی کیمرہ نصب کرنو کمپیوٹر بیلنگ تے وے دوا جن غی روک تھام کی جے اُن غی مناسب ریکارڈ رکھنو شامل ہے ہمارا ضلع نمائندہ نے اطلاع دتی ہے جے دو دکاناں مانہہ ڈرگ تے کاسمیٹنگ قانون غی دفعات غی خلاف ورزی کرنور سیل کردتو تھو تے انہاں نانہہ دوبارہ کم شروع کرن توں پہلا عمل کرنغی ہدایات کی گئی تھیں محکمہ نے صحت عامہ ت اخلاقی دوا سازی غا طریقاں توں اپنی وابستگی غو اعدادو کیو اس سلسلہ مانہہ بولتا واں ضلع رام بن غا اسٹینٹ کنٹرولر ڈرگز سنجیو کمار گپتا نے کج اس طرح کہیو۔

PM MVY

دور دراز علاقہ توڑی فلاحتی سکیمیں غا فائدہ نانہہ پُجان غا مقصد تیں ایک اہم قدم چاتا واں پوشن پروجیکٹ اندر وال غے تحت چنگام گراں مانہہ پردہان منتری ماترو وندنا یوجنا غو کیمپ کامیابی تیں منعقد کیو گیو۔ یوہ کیمپ جائنٹ ڈائریکٹر پوشن ونود بہنل غی قیادت تے جموں کشمیر ایم ڈی پوشن موشیر احمد غی مجموعی نگرانی مانہہ منعقد ہوو اس پروگرام مانہہ سی ڈی پی اوز سُر وائزر آنگن واڈی مددگار حاملہ تے دودھ پلان آلی ماں سمیت عام عوام نے بھر پور شرکت کی کیمپ غے دوران خاصی تعداد مانہہ مستفید خواتین غو اُت اندراج کیو گیو اس بارے گل کرتا واں جائنٹ ڈائریکٹر پوشن ونود بہنل نے اس طرح کہیو۔

ARMY CMNDR CHINAR CORPS

شمالی کمان غا آرمی کمانڈر لیفٹیننٹ جنرل پراتیک شرما نے چنار کور غو دورو کی و تے آپریشنل تیاریاں تے شمالی کشمیر مانہہ شیوا آپریشن سمیت جاری اوپریشن گ و جائیزو لیو اپنا دورہ غے دوران انہاں نے فوج غا جواناں سنگ گل بات کی ت مشکل حالات مانہہ اُن غی پیشہ وارانہ مہارت تے عزم واسطے تعریف کی لیفٹیننٹ جنرل شرما نے خطہ مانہہ امن و آمان برقرار رکھن واسطے مسلسل چوکنا رہن تے کوششاں غی اہمیت ور زور دتو انہاں نے فوجیاں غی لگن نانہہ سربایو تے قبضہ لکیر غے نیڑے تے اندرونی

علاقاں مانہہ سلامتی تے استحکام نانہہ یقینی بنان واسطے آپریشنل تیاریاں ور مسلسل توجہ مرکوز کرن ور حوصلہ افزائی کی۔

AMARNATH YATRA

ہُن توڑی 3.77 لکھ تیں متہ یاتریاں نے اس سال غی امرناتھ یاترا مانہہ حصو لیو ہے جہیڑی 3 جولائی تیں شروع ہوئی تھی اونگا چھڑی ستھاپنا غی رسم گزشتہ روز شری امیریشور مندر مانہہ ادا کی گئی جہیڑی دشمنی اکھاڑا عمارت مانہہ واقع ہے چھڑی پوجن پلکیں ناگ پنچھمی غا تہاڑے اسی مندر مانہہ کی وجے گو چھڑی مبارک غی آخری یاترا 4 اگست نانہہ شروع وے غی تے 9 اگست نانہہ امرناتھ غی مقدس گپھا توڑی پُجے گی جت یاترا غو باقاعدہ طور ور اختتام وے گو چھری مبارک نانہہ روایتی طور ور شری آمیشور مند بڈشاہ چوک سرینگر مانہہ رکھیو ہے۔

BUDHA AMARNATH

شری بڈھا امرناتھ جی یاترا گا 901 یاتریاں گا پہلا جھتہ نانہہ اج یاترا سٹیشن راجوری مانہہ ضلع ترقیاتی کمشنر ابھیشیک شرما ایم ایل اے راجوری افتکار احمد تے ایس ایس پی راجوری گورو سکروار نے استقبال کیو قابل ذکر ہے جے یاتریاں مانہہ 664 مرد تے 277 خواتین 2 سادھو تے 18 بچہ شامل ہیں اٹل پیٹھا دیشور شری شری 1008 سوامی وشواتما نند سرسوتی جی مہاراج وی اس تقریب مانہہ شامل تھا ضلع ترقیاتی کمشنر نے یاترا سٹیشن ور زائرین غا آرام تے قیام واسطے رکھی گئی مختلف سہولیات غو وی جائیزو لیو جن مانہہ پین گو پانی بجلی غی فراہمی بیت الخلا لنگر تے حفاظتی انتظامات شامل ہیں

TAEKWONDO

چناب اوپن جموں کشمیر مرکزی زیر انتظام علاقہ تائی واندو مقابلہ 2025 غ وودجو مرحلو اج ڈوڈہ شہر مانہہ کوشی تے جوش غے نال شروع ہوو۔ یو ہ مقابلو ضلع ڈوڈہ غی ٹاوانڈو ایسوسیشن غی جانب تیں جے ایند کے ٹاوانڈو ایسوسیشن تے جے اینڈ کے سپورٹس کانسل غا بینر تلے منعقد کیو جارہیو ہے۔ ایڈیشنل ڈپٹی کمشنر ڈوڈہ اجے ٹھاکر افتتاحی تقریب مانہہ مہمان خصوصی تھا جموں کشمیر غا مختلف ضلاع تیں 500 تیں متہ کھلاڈی اس مقابلہ مانہہ حصو لے رہیا ہیں یے مقابلان اگلا 2 تہاڑاں توڑی جاری ریں غا اس موقعور گل کرتا واں اے ڈی سی ڈوڈہ اجے ٹھاکر نے اس طرح کہیو۔
